



UNIVERSITÄTS-
BIBLIOTHEK
PADERBORN

Jacobi Alvarez de Paz Opera

De Exterminatione Mali, Et Promotioне boni - Libri quinque

Álvarez de Paz, Jacobo

Lvgdvni, 1613

De custodia regulæ. Cap. 16.

[urn:nbn:de:hbz:466:1-77843](#)

diturus. Munus iudicandi, munus Dei est, munus est maiorum, quibus ille facultatem gubernandi commisisti: si tu nec Deus es, nec Prelato tuo praepones, quomodo audes illum iudicare, & falcem in alienam messem mittere? Te ipsum potius iudica & reprehende, quod saluberrimum est, & a iudicis aliorum, praeferum maiorum, abstine, quod frangere periculosisimum est.

De affectu filij erga religionem.

CAPUT XV.

Hec erga Prelatos: at erga religionem fere quoque custodes. Religiosam familiam, ad quam a Domino vocatus es, ut puerum matrem diligas. Id sancte virtus gratitudinis exigit, & profectus tuus, ac ipsius religionis conservatio requirit. Deo te ad vitam religiosam vocanti, & in ea te custodiens, gratus existas necesse est, ne ut ingratueris (quod abominabile & pessimum est vivitum,) aut tanto dono spoliaris, aut illo sine spiritu emolumento fruaris. Gratus autem eris, si hoc eximium beneficium agnoscas, & in magno pretio haberas. Habebis autem, si religionem tuam esse matrem aspicias, quae te in vtero tyrocinij concepit, in profacione parturitur, lacte doctrinæ nutritum, pane virtutum reficit, in statu honoris constituit, & eternam hereditatem præparauit. Sic etiam mirum in modum proficies, quis dilectio & affectus iste faciet, ut religiosam disciplinam non molestam, sed grata, non grauem, sed suauem existimes, eique te diligenter accommodes. Sic tandem religio per te suum decorum & splendorem non perdet: nam & filij affectus à te postulabit, ut puritatem status tui consulias, & nihil regulæ contraria admittas. Ne putes autem (ut quidam stulte cogitant) hunc filij affectum exigere, ut tuam religionem immoderata laudes, ut eam insipient aliis præferas, ut in publicis confessibus ad primas sedes aspires. Hec ridicula sunt, quae stulti faciunt. Sed id exigit affectus filij, ut in omnibus locis bonum exemplum præbeas, ut tui status circumspetionem necessariam custodias, & per humilitatem omnibus te submittas.

De custodia Regule.

CAPUT XVI.

VNCE ergo affectum filij habebis, si sex alia, quæ subiungam, obseruantur. Esto igitur custos regulæ & instituti tui, quoniam ista te custodiens, & matrem tuam venerabilem, scilicet Sanctam religionem, indicabiliter exultatione afficit. Mater gaudet, si filios suos valere, & opibus abundare, & apud aliquem Principem in honorabilissimo loco haberi sciat. Regulæ autem custodia salus est animæ, diuinitatæ custodientis, & familiaritatem parat apud Deum obseruantibus illam. Matrem ergo letitia perfundis, cum regulam, ac maiorum scita custodis. Hæc obseruantia te perfectum faciet, te filium honorabilem religionis, & dilectionem constituet, te fratribus amabilem, & Dæmonibus terribilem, & Angelis similem reddet. Quia sicut illorum gloria est Deo parere, ita & tu gloriam existimabis, Deo in his quæ per religiosum institutum statuit, obediens.

De bono nomine religionis querendo.

CAPUT XVII.

BONVM religionis nomen tibi querendum est, ut qui te ab ea beneficia recipis, saltem in hoc eidem proficuus existas. Ita autem hoc bonum nomen, bonamque opinionem in cordibus aliorum seres: si nihil, præfertim coram saecularibus, indecens indecorumque facias, vel loquaris. Si cum illis agas quantum necessitas, aut prudens charitas postulauerit, & nihil amplius. Si eis quæ domini sunt, nequam detexeris, precipue si minimum quid (ut fieri posset) discordia, aut minoris submissionis contigisset. Si eos intra claustra cœnobij, aut multo minus intra cellam non admiseris. Site libenter semper vixisse, & adhuc vivere sub disciplina religiosa, pronunciaueris. Si erga Dominum, qui te vocavit, animum gratum offendieris. Ac tandem si saeculares in te (quantum fieri possit) virum spiritualem & religiosum videant, & nunquam hominem, id est, te affectibus seruientem, aspiciant. Hæc generaliter sunt, quæ apud alios bonum nomen religionis gignunt & feruant.

De onore religiosæ disciplinae ferendo.

CAPUT XVIII.

REligiosa disciplina feruidis suavis & dulcis est super mel & fænum, sed tepidis solet esse amara & onerosa. Non quia ipsa per se aliquid molestiae contineat, sed quod animus agricola palatum cordis praus affectibus infectum habeat. Tu si aliquando tentatione pulsatus molestiam in custodienda disciplina senseris, eam à te abiicere ac removere curato: sicut animam tuam ad disciplinam feruandam & onus ferendum, incitabis. Nemo in republica est, qui non molestiam aliquam patiatur: pauper mendicitate premitur, diues spinis diuitiarum compungitur, ignobiles, vestigalibus & tributis, nobiles bellorum periculis, & duris Principum obsequiis onerantur. Qui aliquid cupiunt, (& quis est in saeculo, qui vana non cupiat?) ex desideratorum absentia dolore sentiunt. Nullum est munus in hac vita, quod molestiam annexam non habeat, & quo maius est, eo duriori labore subiicitur. Si ergo homines propter bona peritura tot molestias & afflictiones sustinent: satis delicatus eris tu, si propter regnum celorum parvam molestiam tuo statui adiunctam non feras. Aequanimitate igitur eam sustinet, & pro ea fugienda nunquam disciplinam deserfas: quia quanto magis laboraueris, tanto in celo maiori præmio perfueris. Et disciplina ipso vsu dulcescit, & omnis molestia expers efficitur: qui vero se non vincit, & propter modicam difficultatem, obseruantiam fugit, maiori quotidie molestia tristatur.

De religiosis functionibus ritè prestandis.

CAPUT XIX.

RA, quæ ad religiosam vitam pertinent, cuiusmodi sunt oratio, psalmodia, lectio, meditationis, Missæ celebratio aut auditio, Sacra-